



Bjørk Lange Olsen
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 175/2023-p akineqarnera

Asasara Bjørk Lange Olsen

Inatsisartut suleriaasianni § 37, imm. 1 naapertorlugu Naalakkersuisunut apeqqutininik saqqummiussaqaqputit. Apeqqutit uannut akisassanngorlugit innersuunneqartut qujassutigaaakka. Apeqqutit issuarneqarput ataanilu akineqarlutik.

19-12-2023
Suliap nr. 2023-28997
All. nr. 23686520

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

- 1. Immineq pisuussutiginnngisamik meerartaarsinnaannginnermut ikiorserneqarnissamut suli arnaq 40-liisimannginnissaa piumasaqaataaniarnerluni, immineq pisuussutiginnngisamik meerartaarsinnaannginneq paasineqarnerani arnaq 38-nik ukiukinneraluniluunniit inissisimasariaqarluni?**

Akissut:

Ullumikkut Peqqinnissaqarfik aappariinnut nammineq kissaatiginngisamik meerartaarsinnaanngitsunut suliaritittarnissamut killilimmik suliaritinnissamik neqeroortarpoq, tassanilu angutip arnallu nammineq kissaatiginngisamik meerartaarsinnaannginnerat misissuiffigalugu, hormoninik nakorsaasersuineq aqqutigalugu katsorsaanermik aamma anisuut aqqutigalugit siuarsaaffusoq pillugu qulaajaasarnermik neqeroortarpoq. Aappariit ukioq ataaseq sinnerlugu najugaqatigiittut tamarmillu meeraqanngitsut misissorneqarsinnaapput namminerlu kissaatiginngisamik meerartaarsinnaannginnermut katsorsarneqarlutik. Neqeroorut arnap 40-inik ukioqalernissaata tungaanoortarpoq, 38-inik ataallugilluunniit ukioqarluni innersuunneqarfimmiit nakorsamit takussutissiinikkut nammineq kissaatiginngisamik meerartaarsinnaannginnermik katsorsaaneq aallartisarneqarsinnaavoq. Ukiutigut piumasaqaatit suli atuupput. Peqqinnissaqarfiup ilisimatitsissutigisimavaa ukioqqortussutsimut killiliussaq 40-nut inissinneqarsimasoq 40-nik ukioqarnermi naartulernissap ilimanaataa appariarujussuurtarmat taamaalillunilu 40-nik ukioqalereernermi naartulernissap ilimanaataa appariartarluni. Peqqinnissaqarfiup maannakkut kissaatiginngisamik meerartaarsinnaanngitsunut neqeroorutaa taamaaginnassaaq.

- a. Eqqarsaatigigaanni ullumikkut arnat 40-ut sinnerlugit ukioqartut akornanni meerartaartarneq naliginnaasunnngorsimanera, taava ukiulersukkanik piumasaqaateqarneq atuutsinneqarneranut suna tunngavilersuutaava?**

Akissut:

Apeqquut 1-imut akissut takuuk.

**b. Matumani immikkut akuersissummik
qinnuteqartoqarsinnaanerani Naalackersuisut
periarfissiiniarnerlutik?**

Akissut:

Ukiutigut piumasaqaatip killiliussap Peqqinnissaqarfiup passussinermi najoqqutassaani aalajangersarneqarsimasup annertusinissaanut tunngavissaqanngitsoq peqqissutsimut tunngasutigut ilisimasalinnit nalilerneqarsimasoq Peqqinnissaqarfiup ilisimatitsissutigaa. Maannakkuungallartoq Naalackersuisut innersuussutigivaat peqqissutsimut suliaqartut naliliiffigissagaat

Aammattaaq apeqquut 1-imut akissut takuuk.

**c. IVF aamma ICSI piffissami 2019-2023 ikiorsiinissamut
neqerooruteqartarsimannginneq peqqutigalugu nunatsinni
ukiutigut piumasaqaasersuineranut qaangiuttoorsimasut
eqqarsaatigalugit?**

Akissut:

Apeqquut 1 aamma 2-mut akissuteqaatit takukkit.

**2. Pineqartumut Naalackersuisut allanik suliamut soqutiginarlutik
paasissutissiisnaanerlutik?**


Akissut:

Aningaasaqarnermut Akileraartarnermullu Naalackersuisoqarfiup tullinnguuttut ilisimatitsissutigai:

"Apeqquumut tunngavilersuummi takuneqarsinnaavoq, 2024-mut Aningaasanut inatsimmi Danmarkimi IVF-imik aamma ICSI-mik katsorsaanissanut 8,7 mio. k.r-nik immikkoortitsisoqarsimasoq. Ileqqorissaarnissaq pillugu erseqqissaatigineqassaaq 2024-mut Aningaasanut inatsimmi taakkununngarpiaq aningaasanik immikkoortitsisoqarsimanngimmat.

2024-mut Aningaasanut inatsisissatut siunnersuummi kontomi pingaarnermi, 20.11.70 Suliniutinut nutaanut sillimmatit, aallaqqaammut sillimmatissatut aningaasaliissutissatullu arlallit immikkoortinneqartut, tassunga ilanngullugit siuliani 8,7. mio. kr.-t taaneqartut aningaasanut inatsit pillugu isumaqatigiissutit atuutilersinneqarnerata ilaatut siunertanut allanut, tassunga ilanngullugu taamani peqqissutsimut tunngatillugu isumaqatigiissutigineqartumut aningaasalersuinissamut illikartinneqarput. Allannguutissatut siunnersuut nr. 135, aningaasanut inatsisissatut siunnersuutit pingajussaaneerineqarnerani akuerineqartoq innersuussutigineqarpoq."

Inussiarnersumik inuulluaqqusillunga


Agathe Fontain